



15
1701

Bosnia and Herzegovina
Federation of Bosnia and Herzegovina
CANTON SARAJEVO
Ministry of Labour, Social Policy,
Displaced Persons and Refugees

Broj: 13-04-24273-19.1/26
Sarajevo, 24.06.2026. godine

SKUPŠTINA KANTONA SARAJEVO

Služba za skupštinske poslove
-ovdje-

KANTON SARAJEVO

Stručna služba Vlade
-ovdje-

PREDMET: Zastupnička inicijativa - odgovor, dostavlja se

Poštovani,

Zastupnica Sebija Izetbegović je na 30. radnoj sjednici Skupštine Kantona Sarajevo, održanoj dana 05.05.2026. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, uputila slijedeću zastupničku inicijativu:

"Inicijativa za uspostavljanje registra i unapređenje evidencija o licima osuđivanim za nasilje u porodici".

ODGOVOR:

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljena je gore navedena inicijativa zastupnice Sebije Izetbegović, a koja je sa pažnjom razmotrena u okviru ovog ministarstva i na koju dajemo slijedeće izjašnjenje:

Imajući u vidu sadržaj dostavljene inicijative, jasno je da ista nije u nadležnosti ovog Ministarstva. Naime, pitanje uspostavljanja registara lica osuđivanih za nasilje u porodici, imajući u vidu prirodu podataka i nadležnosti u oblasti sigurnosti i krivičnih evidencija, primarno spada u nadležnost Ministarstva unutrašnjih poslova Kantona Sarajevo, uz postupanje u skladu sa relevantnim federalnim propisima i standardima zaštite ličnih podataka.

S tim u vezi, a u skladu sa članom 77. stav (12) Zakona o zaštiti od nasilja u porodici i nasilja prema ženama u Federaciji Bosne i Hercegovine ("Službene novine Federacije Bosne i Hercegovine", broj: 19/25) Federalno ministarstvo unutrašnjih poslova dužno je uspostaviti jedinstvenu informacijsku bazu podataka. Prema informacijama sa kojima raspolaže ovo Ministarstvo, trenutno se radi na poduzimanju aktivnosti na donošenju podzakonskog akta koji će propisati način uspostave i vođenja informacijske baze podataka.



Također, uvažavajući značaj predmetne inicijative i pitanja zaštite žrtava nasilja u porodici, ističemo sljedeće:

Multisektorski pristup u zaštiti od nasilja u porodici u Kantonu Sarajevo provodi Koordinaciono tijelo za prevenciju, zaštitu i borbu protiv nasilja u porodici u Kantonu Sarajevo još od 2005. godine, kada je i potpisan prvi Protokol o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo.

U decembru 2023. godine, Vlada Kantona Sarajevo je donijela novi Protokol o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo čime je sistem zaštite značajno unaprijeđen, a posebno u dijelu koji se odnosi na formiranje Operativnog tijela u okviru Koordinacionog tijela i kojeg čine predstavnici institucija, odnosno profesionalci koji su u direktnom radu sa žrtvom ili počiniocem nasilja u porodici. Uloga Operativnog tijela je da kroz razmjenu iskustava profesionalaca koji se bave zaštitom od nasilja u porodici ukažu na određene probleme u praksi i ponude rješenja tih problema, te da na taj način putem Koordinacionog tijela direktno utiču na unapređenje sistema zaštite od nasilja u porodici u Kantonu Sarajevo.


Napominjemo da Vlada Kantona Sarajevo imenuje članove Koordinacionog i Operativnog tijela, te na početku svake godine usvaja Program rada Koordinacionog tijela za prevenciju, zaštitu i borbu protiv nasilja u porodici u Kantonu Sarajevo, koji između ostalog predviđa sljedeće aktivnosti: radionice, medijske kampanje, okrugle stolove, edukacije stručnjaka koji rade na unapređenju i zaštiti od nasilja u porodici i slično.

Nadalje, u okviru Ministarstva za rad, socijalnu politiku, raseljena lica i izbjeglice Kantona Sarajevo provode se posebne aktivnosti sa ciljem zaštite žrtava od nasilja u porodici i poboljšanja sveukupnog stanja, kroz donošenje Socijalnog programa kao skupa mjera i aktivnosti usmjerenih na preveniranje i otklanjanje stanja socijalne nesigurnosti pojedinih kategorija stanovništva. U okviru ovog programa realizuju se aktivnosti usmjerene na ekonomsko, psihološko i socijalno osnaživanje žrtava nasilja, čime se doprinosi sprječavanju njihovog povratka nasilniku. Značajno je istaći da Ministarstvo finansira Sigurnu kuću za žrtve nasilja u Kantonu Sarajevo u stopostotnom iznosu i osigurava njeno nesmetano funkcionisanje i rad.

Uvažavajući sve prethodno navedeno, Ministarstvo za rad, socijalnu politiku, raseljena lica i izbjeglice Kantona Sarajevo izražava punu podršku svim aktivnostima usmjerenim na unapređenje sistema zaštite žrtava nasilja u porodici.

Ministarstvo za rad, socijalnu politiku, raseljena lica i izbjeglice Kantona Sarajevo ostaje opredijeljeno za međuinstitucionalnu saradnju i stoji na raspolaganju nadležnim organima u okviru svojih zakonskih nadležnosti, posebno u dijelu koordinacije sistema socijalne zaštite, zaštite žrtava nasilja i unapređenja multisektorskog pristupa i postupanju u slučajevima nasilja u porodici u Kantonu Sarajevo.

Pripremila: Iman Čehić, stručna saradnica



PO OVLAŠTENJU PREMIJERA
MINISTARICA

Naida Hota - Muminović

Dostaviti:

- Naslovu (2x),
- A/a.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba